

Qeqqata Kommunia, Anartarfilerisarnermut annanik imermillu errortuivikumik kuutsitsinermut maleruaqqusaq

Anartarfitt imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersumi § 33 aamma § 49, imm. 1, nr. 3-mi aalajangersarneqarpoq:

Kapitali 1

Atuuffeqarfiat

§ 1. Qeqqata Kommuniani immikkoortuni tulliuttuni anartarfilerisarnermut annanik imermillu errortuivikumik kuutsitsinermut maleruaqqusaq atuuppoq:

1) Maleruaqqusami matumani pineqarput illuutit, suliffeqarfiit, peqatigiiffit aaqqissuussanik aaqqissuisut, aalajangersimasumik sivikitsumilluunniit inunniq katarsortitsisarnermikkut kiisalu nunaminertat sanaartorfiungitsut annertunerusutigut 15-init amerlanerusunit peqataaffigineqartunit sammisaqartitsiviusartut, anartarfilerinermik, anartarfitt imaannik kiisalu imermik errortuivikumik pilersitsiviusut.

2) Nunaannarmi tamani sammisaqartitsinerni. Soorlu Piniarneq, takornariartitsineq, illuaqqaniinneq, timersornermi aaqqissuussat il.il. anartarfilerinermik, anartarfitt imaannik kiisalu imermik errortuivikumik pilersitsiviusoqassappat.

3) Tatsini, kangerlunnili sikusimasuni, sermimi sermersuarmilu sammisaqartitsinerni anartarfilerinermik, anartarfitt imaannik kiisalu imeq errortuivikumik pilersitsiviusoqassappat.

Imm. 2. Suliffeqarfinnit ingerlatsinermi imermik errortuivikumik kuutsitsineq maleruaqqusami ilaatinneqanngilaq.

Imm. 3. Ingerlatsinermi imermik errortuivikumik kuutsitsinissamut qinnuteqaatit avatangiisirut akisussaasumut naakallersuisoqarfimmut ingerlatinneqartassapput.

Kapitali 2

Suunerinik nassuaatit

§ 2. Maleruaqqusami matumani makku imatut paasineqassapput:

1) Imeq errortuivikoq tassaavoq imeq sunaluunniit najugaqarfinnit, suliffeqarfinnit illunillu allanit kuutsinneqartoq. Imermut errortuivikumut ilaatinneqartut tassaapput: inoqtigiiinnit imeq errortuivikoq, imeq errortuivikoq mingoqannginnerusoq, imeq errortuivikoq mingoqarnerusoq, ingerlatsinermi imeq

errortuivikoq kuutsinneqartoq, imeq imaarsaanermi kuutsinneqartoq kiisalu imeq illut qaavinut nunallu qaavanut kuuttoq.

2) Inoqutigiinnit imeq errortuivikoq tassaavoq illumit imeq errortuivikoq, tassunga ilangullugu anartarfinnit imeq kuutsinneqartoq.

3) Anartarfinnit kuuffeqanngitsunit inoqutigiinnit imeq errortuivikut imeq errortuivikoq mingoqannginnerusoq.

4) Anartarfinnit imeq errortuivikutut imeq errortuivikoq mingoqarnerusoq.

5) Anartarfiit imaartakkat tassaapput eqqagassat inuit timaannit pisuusut, tassalu qooq anarlu.

6) Anartarfik imaartagaq tassaavoq eqqiluisaarnermut atortulersut imilerneqartussaanngitsoq imaluunniit annikitsuaraannarmik imilersorneqarsinnaasoq (anartarfiit kuuffeqanngitsut). Anartarfiit taamaattut tassaasinnaapput puussialertakkat imaluunniit siparnilertakkat, kisiannili aamma tassaasinnaallutik perusuersartarfiet issunngortitsisartut.

7) Illuliornermut malittarisassat, kiisalu illuliornermut inatsisini maleruagassat aalajangersarneqarsimasut sukkulluunniit atuuttut naapertorlugin imermut errortuivikumut peqqussutit malillugit katersuivik tassaavoq tanki ussisoq qerinaveersaartinneqartoq kuuffeqanngitsorlu, kalerrisaarutitalik imaluunniit ulikkaarnermini allatut nalunaarsuutitalik, kiisalu imarneqarnissamut maqtsivilik.

8) Kuuffit tassaapput kuuffit matoqqasut, illut imermik errortuivikumik kuutsitsisut ataannut silataannulluunniit inissinneqarsimasut.

9) Atuisinnaatitaasut piginnittut tassaapput suliffeqarfiet nunaminertanik, nalinginnaasumik nunaminertanik atugassiiffiusartunik atuisinnaatitaasut tamarmik. Tamanna utaqqiisaagallartumik imaluunniit ataavartumik atugassiisarnermut, kiisalu nunaminertanut sanaartorfigissarneqarsimanngitsunut atuuppoq. Atuisinnaatitaasutut piginnittut aamma suliffeqarfiet, peqatigiiffit aaqqissuuussinernullu aaqqissuisunut, ataavartumik imaluunniit utaqqiisaagallartumik inunnik amerlasuunik katersuutsitsisunut sanilliunneqassapput.

10) Illuttip najukkalluunniit ungasinngisaanut atuisup anartarfiet puussiartaanik ulikkaarnikumik karsi ilitsiviusartup inissiffia. Imaluunniit illuttip najukkalluunniit silataani annanik katersuiviup imarneqarnissaanut ruujorip isua inisisimasoq.

11) Anartarfilerisoq anartarfiet puussiortaannik aallertartoq annallu katersuvianik imaarsisartoq. Kommuniusinnaavoq imaluunniit namminersortoq.

12) Eqqaasarnissamut aaqqissuuusseriaasermi anartarfilerineq aamma annanik katersuiviit kuuffissuillu pineqarput.

13) 1 personækvivalent (PE), nalunaarummi matumani allassimasoq ima paasineqassaaq, ukiumut akutissat uumassusillit 21,9 kg-t, silaannarmik biokemiskiusumik (BI5), ukiumut kvælstof-imik katillugit 4,4 kg-nik imaluunniit ukiumut fosfor-imik katillugit 1,0 kg-nik atuisutut uuttorlugin.

Kapitali 3

Eqqaasarnissamut aaqqissuuussineq nalinginnaasumik isigalugu

§ 3. Anartarfilerinermik, anartarfiet imaanik kiisalu imermik errortuivikumik pilersitsisut tamat, kommunalbestyrelsimit eqqaasarnissamut innersuunneqartunik atuissapput.

§ 4. Anartarfilerineq, anartarfuit imaannik kiisalu imermik errortuivikumik kuutsitsinerit kuuffissuakkut tamanut atugassianit kuutsinneqartassapput.

Imm. 2. Atuisinnaatitaasutut piginnittoq, kuuffissuarnut atassusertinnissamik periarfissaqanngitsut, tassungaluunniit atassusilertinnissamut immikkut ittumik akuerineqarsimannngitsut, aaqqiissutinik tullinguuttunik nammneq akilikkamik pissarsinissartik, aserfallatsaaliiinissartik atuinissartillu isumagissavaat:

- 1) Anartarfik siparnimik puussialertagaq communalbestyrelsimit akuerisaasut ilaat,
- 2) Annanik katersuivik communalbestyrelsimit akuerisaasoq imaluunniit
- 3) Aaqqiissut alla communalbestyrelsimit akuerisaasoq.

Imm. 3. Anartarfilerinikkut, anartarfinnik kiisalu imermik errortuivikumik qanorluunniit kuutsitsinerit kommunimit akuerineqaqqaartassapput.

Kapitali 4

Anartarfilerinerup ingerlanneqarnera

§ 5. Anartarfilerinermut aaqqissuussamik atuisinnaatitaasutut piginnittut tullinnguuttutigut imaartittarnermut, anartarfuit puussiartaat ulikkaaqqannginnissaanut piniarlugu pisariaqartitat naapertorlugit nalunaarsortissapput.

- 1) Imaartinneq, anartarfilerisumit anartarfiup puussiartaat atuisup angerlarsimaffianut aassavaa
- 2) Imaartinneq, atuisup nammineerluni anartarfiup puussiartaat siparnimit peeriarlugu, anartarfuit puussiaanut karsimut ilitsivissamut silami inisisimasumut ilissavaa.

Imm. 2. Anartarfilerinermi anartarfuit puussiartaanik katersinermi anartarfuit puussiartaalu Qeqqata Kommunianit akuerineqarsimasut kisimik atorneqassapput.

Imm. 3. Anartarfuit puussiartaat pisuinnaat aqqutaannut imaluunniit nunaminertanut tamanut atorneqartunut inisseqquaanngillat anartarfinneersuinnaassallutillu. Anartarfiup puussiartaanik aallernermermi, puussiaq attanit allaangerusumik imaqrpat, anartarfilerisoq puussiartassanik nutaanik tunniussissanngilaq utertsitsinikkullu ajunngitsorsiassaqtitsinissamut periarfissaqanngilaq

§ 6. Atuisinnaatitaasutut piginnittoq anartarfiup puussiartaanik inissiiviup pitsaasuutitsinissamik aamma saligaatsuutitsinissamik, ilutigalugu anartarfeqarfimmit aqqusinermut, pisuinnaat aqqutaannut imaluunniit majuartarfinnut pisariaqneratigut aqqutaanik aputaajaasarnissaq ujaraaralersuinissamulluunniit isumaginnittussaatitaavoq.

Imm. 2. Illu aqqusinermiungasissumi inissimappat, anartarfilerisut biili tunumorsorlutik ingerlasinnaaqqullugit nunap ilusaa naapertorlugu sapinngisamik pisariaqartinneqartumik nerutussuseqarlunilu portussuseqartumik aqqutissaqartinneqassaaq. Nerutussuseq portussuserlu pisariaqartinneqartoq Teknikkimut Avatangiisinullu immikkoortortamit nalunaarutigineqassaaq.

Imm. 3. Kangerlussuarmi asiariartarfinni perusuersartarfinnik imaartakkanik atuisinnaatitaasutut piginnittoq, annanik kuutsivimmut namminneq imaarsisinnaapput. Kangerlussuarmi kommuni anartarfinnik katersisarnermerik pilersitsissappat, tamanna atorneqassaaq.

§ 7. § 5, imm. 1 nr. 1 naapertorlugu atuisinnaatitaasutut piginnittut angerlarsimaffimmut iserluni imaarsisarnermerut nalunaarsoqqasumut anartarfimmut puussialertakkamut atatillugu pissutsit

eqqiluisaanngippata, taava atuisoq § 5, imm. 1 nr. 2 naapertorlugu imaartinnermut nuunnissaanik kommunalbestyrelsi piumasaqarsinnaavoq.

Imm. 2. Anartarfik puussialertagaq anartarfilerisumit tикинneqarsinnaanngippat, imm. 1 aamma atuuttarpoq.

§ 8. Anartarfit puussiartaanut ulikkaarsimasunut karsimik ilitsiviusussamik, atuisinnaatitaasutut piginnittooq peqarnissamik isumaginnittussaatitaavoq. Karsimut ilitsiviusussamut tullinguuttut atuupput:

- 1) anartarfiup puussiartaasa pisariaqartinneqartut amerlassusaanut inissaqartitsilluassaaq,
- 2) qajannaatsuussaaq sivingalaartumillu ammaruminartumilli matoqartinneqassalluni.
- 3) ima sanaartugaassaaq inissinneqarlunilu, anartarfilerisup perusuersartarfiup puussiartaa annerpaamik 1 meterisut portutigisumik kivissinnaassallugu, tassa Suliffeqarfinnik Nakkutilliisoqarfiup piumasaqaataa naapertorlugu,
- 4) anartarfiup puussiartaata nippulluni qerruttuunnginnissaa qulakkeerneqassaaq,
- 5) minguitsuutinneqassaaq aputaajarsimassallunilu il.il.
- 6) anartarfilerisumit akornutitaqanngitsumik anguneqarsinnaalluni inisisimassaaq,
- 7) Ilitsivik igalaat eqqaqqissaavanut inisisimatinneqassanngilaq uumasunilluunniit imarisaa anguneqariaannaatinneqassanani,
- 8) karsi ilitsivimmit anartarfilerisut biiliinut ungassisuseq 25 m.-mik kiisalu anartarfilerisut pisullutik aqqutaa tamaat sinerlugu minnerpaamik 3,5 m.-mik portussuseqassalluni

Imm. 2. Imm. 1 nr. 8 naapertorlugu ungassisusissamut Kommunalbestyrelsi immikkut akuersissuteqarsinnaavoq, assersuutigalugu atuisup innarluuteqarnera, nunap ilusaata appakaaffigiuminaannera imaluunniit assingusut patsisaallutik.

Kapitali 5

Annanik katersuiviit akuerisaasunik imaarsisarneq

§ 9. Qeqqata Kommuniani annanik katersuiviit akuerisaasut imaarneqarnissaat atuisinnaatitaasutut piginnittumit, tassa entreprenørerit kinnernik milluaatilinnik, kommunip akuerisaanik, attanik katersuivinnik imaarsisarnissamik isumaqatigiinnikkut isumagineqassaaq. Annanik katersuiviit imaarneqartarnissaannut isumaqatigiissutinut tullinguuttut atuupput:

- 1) Teknikkeqarnermut Avatangiisinullu immikkoortortap piumasaqarneratigut, isumaqatigiissutip assilinera, tankip imartussusaanik illoqutigillu amerlassusaanik paasissutissartalik nassiunneqassaaq.
- 2) Teknikkeqarnermut Avatangiisinullu immikkoortortap piumasaqarneratigut, imaarsinermi biilinik ingerlat sisimanermut allagartap assilinera nassiunneqassaaq.
- 3) Annanik katersuivik ussisuulluni qerisinnanngitsuussaaq, immerneranullu kalerrisaaruteqarluni imaluunniit allatigut nalunaarsuuteqarluni kiisalu imaarneqarnissamut atortuligaalluni.

§ 10. Annanik katersuivimmit imaarneqarnissaanut ruujorimit isua, kinnernit milluaasunit slangimit ajornaquteqanngitsumik atassuserneqarsinnaanngorlugu inissinneqassaaq.

§ 11. Attanik katersuiviup imaarneqarnisaanut ruujorimit isua, kinnernit milluaasunit slangimit ajornaquteqanngitsumik atassuserneqarsinnaanngorlugu inissinneqassaaq,

aputaajaanissamut/ujaraaralersornissaanut kiisalu annanik katersuiviup ajoquteqanngitsumik imaarneqarsinnaanissaanut atuisinnaatitaasutut piginnittooq isumaginnittussaatitaavoq.

§ 12. Maqitsineq nunamut userartuinertaqanngitsumik ingerlanneqassaaq, aammalu ruujorit slangillu imaaarluiinnarneqassallutik.

Imm. 2. Annat katersuivianit imermik errortuivikumik imaarsinermi:

- 1) Sisimiuni annanik eqqaaviup, B-805, Eqqaavimmut aqq-niittup avannaatungaani, meterialunnguanik ungasissusilimmiittumi kuuffissuartigut ruujorip isuatigut, annanik katersuivimmit imaaakkat kuutsinneqartassapput.
- 2) Maniitsumi annanik eqqaaviup, B-1303, Annersuup eqqaani kuuffissuartigut ruujorip isuatigut, annanik katersuivimmit imaaakkat kuutsinneqartassapput.
- 3) Kangerlussuarmi Kussuaq-p qanittuani kuuffissuup eqqaani kuitsivikkut attanik katersuivimmit imaaakkat kuutsinneqartassapput.

Kapitali 6

Imermik errortuivikumik inoqutigiillu imermik errotuivikuannik kuutsitsineq

§ 13. Imeq errortuivikoq pisortat kuuffissuatigut kuutsinneqassaaq.

Imm. 2. Atuisut kuuffissuarnut attavilernissamik periarfissaqanngitsut, annanik katersuivimmut imermik errortuivikumik imaluunniit inoqutigiinnit imermik errortuivikumik kuutsitsisassapput imaluunniit maangaannaq imermik errortuivikumik kuutsitsisinnaanissamik immikkut akuersissumik qinnuteqarsinnaapput.

Imm. 3. Kuutsitsinissamut qinnuteqaat allakkatigut ingerlanneqassaaq aammalu Qeqqata Kommunia Teknikkeqarnermut Avatangiisinullu immikkoortortamut ilanngussaq 1-imi paasissutissat pillugit allassimasunik ilanngussalerlugu nassiunneqarluni.

Imm. 4. Imm. 3 naapertorlugu akuersissummi pissutsinik annertuumik allanngortoqartillugu nutaamik qinnuteqartoqassaaq. Tulliuttunik qinnuteqartoqarsinnaavoq:

- 1) Inoqutigiinnit imermik errortuivikumik 50 PE tikillugu annertussuseqartup imermut errortuivikumut kuuffeqarfikkut, kangerlummut imaanullu kuutsitsineq.
- 2) Imermik errortuivikumik nunamut kussinernullu ammaannartunut, kangerlummut imaanullu kuuffilitsigut kuutsitsineq.

Kapitali 7

Maangaannartitsineq

§ 14. Anartarfimmit nunamut kuutsitsisoqassanngilaq. Taamaattumillu anartarfilerisoq atuisumut anartarfifit puussiartaanik aallernermini kuutsitsinngitsumik ingerlanneqassaaq. Soorluttaaq anartarfilerisoq anartarfinnit puussianik suliaqarnerminni annanik eqqaavimmullu imaarsinerani nunamut kuutsitsisoqassanngilaq.

Imm. 2. Anartarfimmit maangaannaq kuutsitanik atuisussaatitaasutut piginnittooq erngerluni piaassaaq. Tamanna anartarfinnut puussiamut issoraanikkut annanillu eqqaavimmut tunniussinikkut ingerlanneqassaaq. Anartarfifit puussiartaanik anartarfinnik eqqaavimmut tunniussinissaq pillugu

atususaaitaasoq anartarfilerisumut isumaqtigiiissuteqassaaq, kommunimilu imermik errortuivikumut akitsuutinut ileqqorisassani akigititai naapertorlugin akiliisoqassalluni.

Kapitali 8

Akitsuutit

§ 15. Anartarfit puussiartaanik katersinermut (anartarfit puussiartaanut aaqqiissut) ukiumut akitsuutinik kiisalu imermik errortuivikumik kuuffissuarmut kuutsitsinermut ukiumut akitsuutinik Kommunalbestyrelsi aalajangersaasarpooq. Kommunip imermut errortuivikumut akitsuutinut ileqqoreqqaani ukiut tamaasa nutarterneqartartuni aammalu kommunip nittartagaani tamanit takuneqarsinnaasuni akitsuutit takuneqarsinnaapput.

Imm. 2. Atuisinnaatitaasutut piginnittumit anartarfiup puussiartaanut imaluunniit kuuffissuarmut aaqqiissummut nalunaarsoqqasumut akitsuut akilerneqartassaaq.

Imm. 3. Isernermi atuisinnaatitaasutut piginnittoq anartarfiup puussiartaanut aaqqiissummut imaluunniit kuuffissuarmut aaqqiissummut nalunaarsortissaq aammalu nutseqqinnermi aaqqiissummut toqqarsimasamut taamaatitsissalluni. Nuunermut atatillugu Qeqqata Kommuniani Teknikkeqarnermut Avatangiisinullu immikkoortortamut taamaatitsinnginnermi, atuisinnaatitaasutut piginnittoq imaartittarnissamut akiliisarnissaminik pisussaatitaavoq, tassa atuisinnaatitaasutut piginnittup allap nalunaarsorneqarnissaata tungaanut.

Imm. 4. Akiliiffissamik allannguineremi, matumani akiliisarnissamut piffissarititap iluini nalunaarsortinnerni nutaani kiisalu atorunnaarsitsinermi, piffissap iluani imaartittarnissamut amerlassutsit nalunaarsoriusut akilerneqartassapput.

Imm. 5. Illuaqqanit, illunit allanit kiisalu nunaannarmi sammisaqartitsinermi anartarfit puussiartaat imallit, anartarfilerisunik isumaqtigiiissuteqarnikkut, imermik errortuivikumut akitsuutinut ileqqoreqqusat naapertorlugin akiliuteqarnikkut annanut eqqavimmut tunniunneqarsinnaapput.

Imm. 6. Atuisut ataasiakkaat entreprenørinut toqqaannartumik annanik katersuivimmik imaarsisarnermik akiliisassapput.

Imm. 7. Imermik errortuivikumik aammalu inoqtigiinnit imermik errortuivikumik nunamut kuutsitsinissamut akuersissutinut akitsuutit Kommunalbestyrelsimit aalajangersarneqartarput, tamakkulu imermik errortuivikumik akitsuutinut ileqqoreqqusami allassimapput.

Kapitali 9

Nakkutilliineq

§ 16. Anartarfit puussialertakkanik, annanik katersuivinnik kiisalu taakkunannga imaarsinermi suleriutsinik misissuinissamut, Qeqqata Kommuniani Teknikkeqarnermut Avatangiisinullu immikkoortortaq eqqartuussiviup aalajangigaanik peqarnani aammalu kinaassutsimik uppernarsaateqarnikkut qaqugukkulluunniit nakkutilliinermik oqartussaasuupput. Isersinnaaneq sioqqullugu atuisinnaatitaasutut piginnittoq sapinngisamik siumut nalunaarfigineqaqqassaaq.

Imm. 2. Eqqartuussiviup aalajangigaanik peqarnani imm. 1 naapertorlugu iserneq aatsaat pissaaq annertuumik peqqissutsimut ulorianartorsiortitsisoqartoq aamma annertuumik mingutsitsineq

imaluunniit mingutsitsinerup siaruarnera pinngitsoortinniarlugu ingerlaannartumik iliuuseqartoqartariaqartoq ilimanarpat imaluunniit natsorsuutigineqarpat.

Kapitali 10

Kinguneqartitsinerit

§ 17. §§ 5-8, §§ 9-11, §13 aamma § 14-imik unioqqutitsinerit Kalaallit Nunaanni Pinerluttulerineq pillugu Inatsimmi malittarisassat naapertorlugit pineqaatissiinermik akiliisitsinikkut kinguneqartinneqarsinnaapput.

Imm. 2. Pinerluttulerinermut Inatsimmi Kalaallit Nunaannut atuuttumi maleruagassat malillugit inuk inatsisit malillugit akisussaatinneqartoq akiliisinneqarsinnaavoq.

Imm. 3. Imm. 1 aamma 2 malillugit suliat Kalaallit Nunaanni Eqqartuussivimmut suliaqartussatut siullertut suliakkiutigineqassapput.

Imm. 4. Akiliisitsissutit imm. 1 aamma 2 malillugit pineqaatissiissutigineqartut Nunatta Karsianut pisassanngortinneqassapput.

Kapitali 11

Naammagittaalliutit

§ 18. Qeqqata Kommuniani imermik errortuvikumik eqqaaneq pillugu saaffiginnissutit Teknikkeqarnermut Avatangiisinnullu immikkoortortamut ingerlateqqinnejartassapput. Mail: Qeqqata@qeqqata.gl imal. allakkatigut:

- 1) Sisimiunut nunaqarfut ilanngullugit: Makkorsip Aqq. 2, postboks 1014, 3911 Sisimiut
- 2) Maniitsumut nunaqarfut ilanngullugit: Kuuttartoq 8, postboks 100, 3912 Maniitsoq.

§ 19. Kommunalbestyrelsip aalajangiineri Avatangiisit Innarlitsaolineqarnissaat pillugu Naammagittaalliuteqartarfimmut naammagittaalliutigineqarsinnaapput.

Naammagittaalliuteqarsinnaatitaasut tassaapput:

- 1) Aalajangiinermik nassitsivigineqartut.
- 2) Nunatsinni Nakorsaaneqarfik
- 3) Kinaluunniit suliap qanoq naammassineqarnissaanut nammineq immikkut annertuumillu soqutigisaqartoq.
- 4) Peqatigiiffit kattuffillu, ileqqoreqqusatik naapertorlugit peqqissarfialutik qasuersaarfiusartunik, avatangiisinik pinngortitamillu annertuumik soqutigisanik isumagisaqarnissamik siunertaqartut.

Imm. 2. Aalajangiinerup aalajangiinermi pineqartumut nalunaarutigineqarfianit ullormit sapaatip-akunneri arfinillit naammagittaalliornissamut piffissarititaapput.

Imm. 3. Avatangiisit Innarlitsaaliorneqarnissaat pillugit Naammagittaalliuteqartarfiup suliami aalajangiinissaata tungaanut imaluunniit Naammagittaalliuteqartarfiup allatut aalajangiinissaata tungaanut maalaaruteqarneq peqqussinermut imaluunniit inerteqqusummut kinguartitsisarpoq. Peqqusummik inerteqqummilluunniit aalajangiisoqarsimappat, immikkut tunngaveqartoqartillugu, peqqussuteqarnerup imaluunniit inerteqquteqarnerup saniatigut, qanorluunniit

maalaaruteqartoqartillugu Kommuni aalajangiinerup malinnejarnissaanik aalajangiisinnavaavoq.
Akuersissutinut imaluunniit immikkut akuersissummut maalaarutit kinguartitsineqarneq ajorput.

Kapitali 12

Atuutilersitsinermut atorunnaarsitsinermullu aalajangersakkat

§ 20. Kommunalbestyrelsimit akuersissutigineqarneranit qaammatisiutit ulluisa 30-t qaangiunneranni maleruaqqusaq atuutilersinneqarpoq.

Imm. 2. Ilutigitillugu anartarfilerinermut, anartarfuit imaannik kiisalu imermik mingunnikumik eqqaaneq pillugu maleruaqqusaq 24. november 2016-imeersoq atorunnaarsinneqarpoq.

Imm. 3. 2023-mi oktober-ip 26-ani Qeqqata Kommunip Kommunalbestyrelsianit akuersissutigineqarpoq.

Malik Berthelsen (atsior.)

Borgmesteri

/ Hans Christian Sværd (atsior.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut